

新

譯

大方廣佛華嚴經

第四十五

一百十四

育五



47917



元祿九年丙子二月日重修

皇圖永固 帝階級昌

佛日增輝 懋輪常轉

山城州天安寺法金剛院置

大方廣佛華嚴經卷第四十五

于闐國三藏沙門 實叉難陀 譯

阿僧祇品第三十

爾時心王菩薩白佛言世尊諸佛如來

演說阿僧祇無量無邊無等不可數不

華嚴卷四十五

可稱不可思不可量不可說不可

可說世尊云何阿僧祇乃至不可說不

可說耶佛告心王菩薩言善哉善哉善

男子汝今為欲令諸世間入佛所知數

量之義而問如來應正等覺善男子諦



聽諦聽善思念之當為汝說時心王菩
薩唯然受教佛言善男子一百洛叉為
一俱胝俱胝俱胝為一阿庾多阿庾多
阿庾多為一那由他那由他那由他為
一頻婆羅頻婆羅頻婆羅為一矜羯羅
伽羅為一最勝最勝最勝為一摩婆羅
摩婆羅摩婆羅為一阿婆羅阿婆羅阿
婆羅為一多婆羅多婆羅多婆羅為一
界分界分界分為一普摩普摩普摩為

一祢摩祢摩祢摩為一阿婆鈴阿婆鈴
阿婆鈴為一彌伽婆彌伽婆為
一毘擢伽毘擢伽為一毘伽婆
毘伽婆毘伽婆為一僧羯邏摩僧羯邏
摩僧羯邏摩為一毘薩羅毘薩羅毘薩
羅為一毘贍婆毘贍婆二為一毘
盛伽毘盛伽毘為一毘素陀毘素
陀毘素陀為一毘婆訶毘婆訶
為一毘薄底毘薄底為一毘佉
擔毘佉擔毘佉為一稱量稱量

為一一持一持為一異路異路異
路為一顛倒顛倒顛倒為一三末耶三
末耶三末耶為一毘靺羅毘靺羅毘靺
羅為一奚婆羅奚婆羅奚婆羅為一伺
察伺察伺察為一周廣周廣周廣為一
高出高出高出為一最妙最妙最妙為
一泥羅婆泥羅婆泥羅婆為一訶理婆
訶理婆訶理婆為一一動一動一動為
一訶理蒲訶理蒲訶理蒲為一訶理三
訶理三訶理三為一奚魯伽奚魯伽奚

魯伽為一達擺步陀達擺步陀達擺步
陀為一訶魯那訶魯那訶魯那為一摩
魯陀摩魯陀摩魯陀為一懺慕陀懺慕
陀懺慕陀為一豎擺陀豎擺陀豎擺陀
為一摩魯摩魯摩魯摩魯為一調伏
調伏調伏為一離憍慢離憍慢
為一不動不動為一極量極量
量為一阿麼怛羅阿麼怛羅阿麼怛羅
為一勃麼怛羅勃麼怛羅勃麼怛羅
一伽麼怛羅伽麼怛羅伽麼怛羅為一

那麼怛羅那麼怛羅那麼怛羅為一奚
麼怛羅奚麼怛羅奚麼怛羅為一鞞麼
怛羅鞞麼怛羅鞞麼怛羅為一鉢羅麼
怛羅鉢羅麼怛羅鉢羅麼怛羅為一尸
婆麼怛羅尸婆麼怛羅尸婆麼怛羅為
一翳羅翳羅翳羅為一薜羅薜羅薜羅
為一諦羅諦羅諦羅為一偈羅偈羅偈
羅為一牽步羅牽步羅牽步羅為一泥
羅泥羅泥羅為一計羅計羅計羅為一
細羅細羅細羅為一睥羅睥羅睥羅為

一謎羅謎羅謎羅為一娑攞荼娑攞荼

娑攞荼為一謎魯陀謎魯陀謎魯陀為

一契魯陀契魯陀契魯陀為一摩覩羅

摩覩羅摩覩羅為一娑母羅娑母羅娑

母羅為一阿野娑阿野娑阿野娑為一

華嚴卷四十五

迦麼羅迦麼羅迦麼羅為一摩伽婆摩

伽婆摩伽婆為一阿怛羅阿怛羅阿怛

羅為一醯魯耶醯魯耶醯魯耶為一薜

魯婆薜魯婆薜魯婆為一羯羅波羯羅

波羯羅波為一訶婆婆訶婆婆訶婆婆

為一毘婆羅毘婆羅毘婆羅為一那婆
羅那婆羅那婆羅為一摩擢羅摩擢羅
摩擢羅為一娑婆羅娑婆羅娑婆羅為
一迷擢普迷擢普迷擢普為一者麼羅
者麼羅者麼羅為一馱麼羅馱麼羅馱
麼羅為一鉢擢麼陀鉢擢麼陀鉢擢麼
陀為一毘伽摩毘伽摩毘伽摩為一烏
波跋多烏波跋多烏波跋多為一演說
演說演說為一無盡無盡無盡為一出
生出生出生為一無我無我無我為一

阿畔多阿畔多阿畔多為一青蓮華青

蓮華青蓮華為一鉢頭摩鉢頭摩鉢頭

摩為一僧祇僧祇僧祇為一趣趣趣為

一至至至為一阿僧祇阿僧祇阿僧祇

為一阿僧祇轉阿僧祇轉阿僧祇轉為

華嚴卷四十五

五

一無量無量無量為一無量轉無量轉

無量轉為一無邊無邊無邊為一無邊

轉無邊轉無邊轉為一無等無等無等

為一無等轉無等轉無等轉為一不可

數不可數不可數為一不可數轉不可

數轉不可數轉為一不可稱不可稱不
可稱為一不可稱轉不可稱轉不可稱
轉為一不可思不可思不可思為一不
可思轉不可思轉不可思轉為一不可
量不可量不可量為一不可量轉不可
量轉不可量轉為一不可說不可說不
可說為一不可說轉不可說轉不可說
轉為一不可說不可說此又不可說不
可說為一不可說不可說轉尔時世尊
為心王菩薩而說頌言

不可言說不可說

充滿一切不可說

不可言說諸劫中

說不可說不可盡

不可言說諸佛刹

皆悉碎末為微塵

一塵中刹不可說

如一切皆如是

此不可說諸佛刹

一念碎塵不可說

華嚴卷四十五

念念所碎悉亦然

盡不可說劫恒尔

此塵有利不可說

此刹為塵說更難

以不可說算數法

不可說劫如是數

以此諸塵數諸劫

一塵十萬不可說

尔劫稱讚一普賢

無能盡其功德量

於一微細毛端處

有不可說諸普賢

一切毛端悉亦尔

如是乃至徧法界

一毛端處所有刹

其數無量不可說

盡虛空量諸毛端

一一處刹悉如是

彼毛端處諸國土

無量種類差別住

有不可說異類刹

有不可說同類刹

不可言說毛端處

皆有淨刹不可說

種種莊嚴不可說

種種奇妙不可說

於彼一一毛端處

演不可說諸佛名

一一名有諸如來

皆不可說不可說

一一諸佛於身上

現不可說諸毛孔

於彼一一毛孔中

現眾色相不可說

不可言說諸毛孔

咸放光明不可說

於彼一一光明中

悉現蓮華不可說

於彼一一蓮華內

悉有眾葉不可說

華嚴卷四十五

不可說華眾葉中

各現色相不可說

彼不可說諸色內

復現眾葉不可說

葉中光明不可說

光中色相不可說

此不可說色相中

一一現光不可說

光中現月不可說

月復現月不可說

於不可說諸月中

一一現光不可說

於彼一一光明內

復現於日不可說

於不可說諸日中

一一現色不可說

於彼一一諸色內

又現光明不可說

於彼一一光明內

現不可說師子座

一一巖具不可說

一一光明不可說

光中妙色不可說

色中淨光不可說

於彼一一淨光內

復現種種妙光明

此光復現種種光

不可言說不可說

如是種種光明內

各現妙寶如須弥

一一光中所現寶

不可言說不可說

彼如須弥一妙寶

現眾刹土不可說

盡須弥寶無有餘

示現刹土皆如是

以一刹土末為塵

一塵色相不可說

眾刹為塵塵有相

不可言說不可說

如是種種諸塵相

皆如光明不可說

光中現佛不可說

佛所說法不可說

法中妙偈不可說

聞偈得解不可說

不可說解念念中

顯了真諦不可說

示現未來一切佛

常演說法無窮盡

華嚴卷四十五

一一佛法不可說

種種清淨不可說

出妙音聲不可說

轉正法輪不可說

於彼一一法輪中

演脩多羅不可說

於彼一一脩多羅

分別法門不可說

於彼一一法門中

又說諸法不可說

於彼一一諸法中

調伏衆生不可說

或復於一毛端處

不可說劫常安住

如一毛端餘悉然

所住劫數皆如是

其心無礙不可說

變化諸佛不可說

一一變化諸如來

復現於化不可說

彼佛法身不可說

彼佛分身不可說

莊嚴無量不可說

徃詣十方不可說

周行國土不可說

觀察衆生不可說

清淨衆生不可說

調伏衆生不可說

彼諸莊嚴不可說

彼諸神力不可說

彼諸自在不可說

彼諸神變不可說

華嚴卷四十五

所有神通不可說

所有境界不可說

所有加持不可說

所有世間不可說

清淨實相不可說

說脩多羅不可說

於彼一一脩多羅

演說法門不可說

於彼一一法門中

又說諸法不可說

於彼一一諸法中

所有決定不可說

於彼一一決定中

調伏衆生不可說

不可言說同類法

不可言說同類心

不可言說異類法

不可言說異類心

不可言說異類根

不可言說異類語

念念於諸所行處

調伏衆生不可說

所有神變不可說

所有示現不可說

於中時劫不可說

於中差別不可說

菩薩悉能分別說

諸明算者莫能辯

一毛端處大小別

雜染清淨麤細別

如是一切不可說

一一明了可分別

以一國土碎為塵

其塵無量不可說

如是塵數無邊別

俱來共集一毛端

此諸國土不可說

華嚴卷四十五

共集毛端無迫隘

不使毛端有增大

而彼國土俱來集

於中所有諸國土

形相如木無雜亂

如一國土不亂餘

一切國土皆如是

虛空境界無邊際

悉布毛端使克滿

如是毛端諸國土

菩薩一念皆能說

於一微細毛孔中

不可說刹次第入

毛孔能受彼諸刹

諸刹不能徧毛孔

入時劫數不可說

受時劫數不可說

於此行列安住時

一切諸劫無能說

如是攝受安住已

所有境界不可說

入時方便不可說

入已所作不可說

意根明了不可說

遊歷諸方不可說

勇猛精進不可說

自在神變不可說

所有思惟不可說

所有大願不可說

所有境界不可說

一切道達不可說

身業清淨不可說

語業清淨不可說

意業清淨不可說

信解清淨不可說

妙智清淨不可說

妙慧清淨不可說

了諸實相不可說

斷諸疑惑不可說

出離生死不可說

超十一升正住不可說

華嚴卷四十五

甚深三昧不可說

了十一達一切不可說

一切衆生不可說

一切佛刹不可說

知衆生身不可說

知其心樂不可說

知其業果不可說

知其意解不可說

知其品類不可說

知其種性不可說

知其受身不可說
知其正生不可說
知其解了不可說
知其言語不可說
菩薩如是大悲悲
普現其身不可說
見諸菩薩不可說
請問正法不可說
現種種身不可說
示現神通不可說

知其生處不可說
知其生已不可說
知其趣向不可說
知其作業不可說
利益一切諸世間
入諸佛刹不可說
發生智慧不可說
敷揚佛教不可說
詣諸國土不可說
普徧十方不可說

處處分身不可說
作諸供具不可說
清淨眾寶不可說
最勝香鬘不可說
清淨信心不可說
增上志樂不可說
脩行於施不可說
有求皆施不可說
持戒清淨不可說
讚歎諸佛不可說

華嚴卷四十五

親近諸佛不可說
種種無量不可說
上妙蓮華不可說
供養如來不可說
最勝悟解不可說
恭敬諸佛不可說
其心過去不可說
一切悉施不可說
心意清淨不可說
愛樂正法不可說

成就諸忍不可說
具足寂靜不可說
起大精進不可說
不退轉心不可說
一切定藏不可說
寂然在定不可說
智慧通達不可說
了達諸法不可說
脩無量行不可說
甚深境界不可說

無生法忍不可說
住寂靜地不可說
其心過去不可說
不傾動心不可說
觀察諸法不可說
了達諸禪不可說
三昧自在不可說
明見諸佛不可說
發廣大願不可說
清淨法門不可說

菩薩法力不可說

菩薩法住不可說

彼諸正念不可說

彼諸法界不可說

脩方便智不可說

學甚深智不可說

無量智慧不可說

究竟智慧不可說

彼諸法智不可說

彼淨法輪不可說

彼大法雲不可說

彼大法雨不可說

華嚴卷四十五

十三

彼諸神力不可說

彼諸方便不可說

入空寂智不可說

念念相續不可說

無量行門不可說

念念恒住不可說

諸佛剎海不可說

悉能徃詣不可說

諸刹差別不可說
差別莊嚴不可說
種種間錯不可說
清淨佛土不可說
了知衆生不可說
知其業報不可說
知其根性不可說
雜染清淨不可說
變化自在不可說
脩行精進不可說

種種清淨不可說
無邊色相不可說
種種妙好不可說
雜染世界不可說
知其種性不可說
知其心行不可說
知其解欲不可說
觀察調伏不可說
現種種身不可說
度脫衆生不可說

示現神變不可說
種種色相不可說
一一毛孔不可說
光網現色不可說
勇猛無畏不可說
調伏衆生不可說
清淨身業不可說
無邊意業不可說
成就智寶不可說
菩薩總持不可說

華嚴卷四十五

放大光明不可說
令衆生淨不可說
放光明網不可說
普照佛刹不可說
方便善巧不可說
令出生死不可說
清淨語業不可說
殊勝妙行不可說
深入法界不可說
善能脩學不可說

十四

智者音聲不可說
正念真實不可說
具足威儀不可說
成就無畏不可說
諸佛子衆不可說
稱歎諸佛不可說
世間導師不可說
彼諸菩薩不可說
彼諸邊際不可說
住中智慧不可說

音聲清淨不可說
開悟衆生不可說
清淨脩行不可說
調伏世間不可說
清淨勝行不可說
讚揚無盡不可說
演說讚歎不可說
清淨功德不可說
能住其中不可說
盡諸劫住無能說

欣樂諸佛不可說
善入諸法不可說
三世如空不可說
了達三世不可說
殊勝妙行不可說
清淨大願不可說
諸佛菩提不可說
分別義理不可說
巖淨佛刹不可說
長時脩習不可說

華嚴卷四十五

智慧平等不可說
於法無礙不可說
三世智慧不可說
住於智慧不可說
無量大願不可說
成就菩提不可說
發生智慧不可說
知一切法不可說
脩行諸力不可說
一念悟解不可說

十五

諸佛自在不可說
廣演正法不可說
種種神力不可說
示現世間不可說
清淨法輪不可說
勇猛能轉不可說
種種開演不可說
哀愍世間不可說
不可言說一切劫
讚不可說諸功德
不可說劫猶可盡
不可說德不可盡
不可言說諸如來
不可言說諸舌根
歎佛不可言說德
不可說劫無能盡
十方所有諸衆生
一切同時成正覺
於中一佛普能現
不可言說一切身

此不可說中一身

示現於頭不可說

此不可說中一頭

示現於舌不可說

此不可說中一舌

示現於聲不可說

此不可說中一聲

經於劫住不可說

如一如是一切佛

如一如是一切身

如一如是一切頭

如一如是一切舌

如一如是一切聲

不可言說恒讚佛

不可說劫猶可盡

歎佛功德無能盡

一微塵中能悉有

不可言說運華界

一一運華世界中

賢首如來不可說

華嚴卷四十五

十六

乃至法界悉周徧
世界若成若住壞
一微塵處無邊際
十方差別不可說
一一剎中有如來
諸佛所行不可說
神通大力不可說
入於毛孔不可說
成就十力不可說
入淨法界不可說

其中所有諸微塵
其數無量不可說
無量諸剎普來入
剎海分布不可說
壽命劫數不可說
甚深妙法不可說
無障礙智不可說
毛孔因緣不可說
覺悟菩提不可說
獲深智藏不可說

種種數量不可說

如其一切悉了知

種種形量不可說

於此靡不皆通達

種種三昧不可說

悉能經劫於中住

於不可說諸佛所

所行清淨不可說

得不可說無礙心

往詣十方不可說

華嚴卷四十五

十七

神力示現不可說

所行無際不可說

往詣衆刹不可說

了達諸佛不可說

精進勇猛不可說

智慧通達不可說

於法非行非不行

入諸境界不可說

不可稱說諸大劫

恒遊十方不可說

方便智慧不可說
神通智慧不可說
於不可說諸佛法
能於一時證菩提
毛端佛刹不可說
如是佛刹皆徃詣
通達一實不可說
諸佛國土不可說
國土衆生及諸佛
如是三世無有邊

真實智慧不可說
念念示現不可說
一一了知不可說
或種種時而證入
塵中佛刹不可說
見諸如來不可說
善入佛種不可說
悉能徃詣成菩提
體性差別不可說
菩薩一切皆明見

如來壽量品第三十一

爾時心王菩薩摩訶薩於眾會中告諸

菩薩言佛子此娑婆世界釋迦牟尼佛

剎一切劫於極樂世界阿彌陀佛剎為一

日一夜極樂世界一切於袈娑幢世界

華嚴卷四十五

十六

金剛堅佛剎為一日一夜袈娑幢世界

一切於不退轉音聲輪世界善勝光明

蓮華開敷佛剎為一日一夜不退轉音

聲輪世界一切於離垢世界法幢佛剎

為一日一夜離垢世界一切於善燈世

界師子佛刹為一日一夜善燈世界一
劫於妙光明世界光明藏佛刹為一日
一夜妙光明世界一劫於難超過世界
法光明蓮華開敷佛刹為一日一夜難
超過世界一劫於莊嚴慧世界一切神
通光明佛刹為一日一夜莊嚴慧世界
一劫於鏡光明世界月智佛刹為一日
一夜佛子如是次第乃至過百萬阿僧
祇世界最後世界一劫於勝蓮華世界
賢勝佛刹為一日一夜普賢菩薩及諸

同行大菩薩等充滿其中

諸菩薩住處品第三十二

爾時心王菩薩摩訶薩於眾會中告諸

菩薩言佛子東方有處名仙人山從昔

已來諸菩薩眾於中止住現有菩薩名

華嚴卷四十五

十九

金剛勝與其眷屬諸菩薩眾三百人俱

常在其中而演說法南方有處名勝峯

山從昔已來諸菩薩眾於中止住現有

菩薩名曰法慧與其眷屬諸菩薩眾五

百人俱常在其中而演說法西方有處

名金剛皦山從昔已來諸菩薩衆於中
止住現有菩薩名精進無畏行與其眷
屬諸菩薩衆三百人俱常在其中而演
說法北方有處名香積山從昔已來諸
菩薩衆於中止住現有菩薩名曰香象
與其眷屬諸菩薩衆三千人俱常在
其中而演說法東方有處名清涼山從
昔已來諸菩薩衆於中止住現有菩薩
名文殊師利與其眷屬諸菩薩衆一萬
人俱常在其中而演說法海中有處名

金剛山從昔已來諸菩薩衆於中止住
現有菩薩名曰法起與其眷屬諸菩薩
衆千二百人俱常在其中而演說法東
南方有處名支提山從昔已來諸菩薩
衆於中止住現有菩薩名曰天冠與其
眷屬諸菩薩衆一千人俱常在其中而
演說法西南方有處名光明山從昔已
來諸菩薩衆於中止住現有菩薩名曰
賢勝與其眷屬諸菩薩衆三千人俱常
在其中而演說法西北方有處名香風

山從昔已來諸菩薩衆於中止住現有
菩薩名曰香光與其眷屬諸菩薩衆五
千人俱常在其中而演說法大海之中
復有住處名莊嚴窟從昔已來諸菩薩
衆於中止住毘舍離南有一住處名善
住根從昔已來諸菩薩衆於中止住摩
度羅城有一住處名滿足窟從昔已來
諸菩薩衆於中止住俱珍那城有一住
處名曰法座從昔已來諸菩薩衆於中
止住清淨彼岸城有一住處名目真隣

陀窟從昔已來諸菩薩衆於中止住摩
蘭陀國有一住處名無礙龍王建立從
昔已來諸菩薩衆於中止住甘菩遮國
有一住處名出生慈從昔已來諸菩薩
衆於中止住震旦國有一住處名那羅
延窟從昔已來諸菩薩衆於中止住疏
勒國有一住處名牛頭山從昔已來諸
菩薩衆於中止住迦葉弥羅國有一住
處名曰次第從昔已來諸菩薩衆於中
止住增長歡喜城有一住處名尊者窟

後音已來諸菩薩衆於中止住菴浮梨
摩國有一位處名見億歲光明後音已
來諸菩薩衆於中止住乾陀羅國有一
住處名苦婆羅窟後音已來諸菩薩衆
於中止住

大方廣佛華嚴經卷第四十五

音釋

胝

支音

庾

與音

祢

你音

擢

羅音

邏

羅音

去聲

摩婆羅

婆字上聲後阿婆羅多婆羅阿婆鈴

鑿

衣音

毗威伽

伽字上聲後毗伽同

佉

丘加切

伺

司去聲

怛

丹入聲

勃

盆入聲

鞞

皮音

薛

避音

宰

音

睥

音

謎

迷去聲

荼

音

途

音

馱

音

陀音

跋 盤入聲

普光再會大法重宣高超十聖與三賢等覺義幽
玄心月孤圓究竟離言詮

拖 唐騰同徒陶臺啼田檀 覃頭

婆 傍朋蓬蒲袍牌毗頻漿 夔哀
茶 長澄重除純婢池陳獯沉憾傳

華嚴卷四十五

山城國綴喜郡新村

靈瑞山剛恩菴沙門宗桂書寫之

